

Headline	Mohd. Shahrul lulusan UPM usahawan tani berjaya		
Date	13. May 2008	Language	MALAY
Media Title	Utusan Malaysia (Northern)	Page No	27
Section	News	Article Size	447 cm²
Circulation	238082	Frequency	Daily
Readership	833287	Color	Full Color



Mohd. Shahrul lulusan UPM usahawan tani berjaya



MOHD. Shahrul Daud bersama itik jawa dan lembu ternusu peliharaannya di Kampung Tok Rasul, Kulim, Kedah.

Oleh OPAT RATTANACHOT

KULIM 12 Mei – Ketika rakan-rakan lain memilih kerja makan gaji selepas menamatkan pengajian di Universiti Putra Malaysia (UPM), namun bagi Mohd. Shahrul Daud, dia lebih senang menggunakan ilmu yang dipelajari untuk mencuebi bidang usahawan tani.

Lulusan Diploma Pertanian yang berusia 25 tahun itu memilih untuk mengusahakan sembilan projek pertanian dan asas tani di beberapa lokasi sekitar Kulim.

Projek tersebut ialah menternak lembu tenusu, lembu pedaging, itik telur, tanaman pisang berangan dan emas, tanaman nenas, tanaman fertigasi (cili merah dan terung), produk hiliran (telur masin dan dadiah) dan baja kompos.

Menurut Mohd. Shahrul, penglibatan aktif dalam bidang pertanian bermula kira-kira tiga tahun lalu setelah melihat potensi luas di samping teruja dengan konsep *Pertanian Adalah Perniagaan* yang diperkenalkan kerajaan.

“Saya menamatkan pengajian dari UPM pada tahun 2004. Apabila memikirkan ilmu yang dipelajari ketika menuntut di UPM, saya memberanikan diri

berhenti kerja dan masuk ke bidang pertanian,” katanya ketika ditemui di ladangnya, MND Agroternak Farm di Kampung Tok Rasul di sini hari ini.

Mohd. Shahrul memberitahu, bermodalank duit gaji sebanyak RM2,400, dia mengambil keputusan membeli dua ekor lembu pedaging.

“Sekarang lembu pedaging daripada dua ekor, sudah bertambah kepada 45 ekor,” katanya.

Katanya, tanpa berasa jemu, dia kemudian mencuba pula kaedah menternak lembu tenusu dan jumlahnya kini meningkat kepada 25 ekor.

“Dengan jumlah itu, ia cukup untuk menghasilkan 45 hingga 60 liter susu segar setiap hari, kini tidak pernah cukup kerana mendapat sambutan hangat dari restoran dan kedai-kedai sekitar kawasan ini,” jelasnya.

Mohd. Shahrul yang pernah memenangi hadiah Anugerah Usahawan Majlis Amanah Rakyat (Mara) Kedah 2007 dan Anugerah Belia Kedah 2007 (Wira Tani) berharap dapat menambah bekalan susu pada masa akan datang.

Sementara itu, Mohd. Shahrul turut menternak lebih 1,000 ekor itik jawa yang mampu menghasilkan telur kira-kira 750 butir sehari.